

۱۰ شوال ۱۳۳۱

پنجشنبه

۲۹ اگستوس ۱۳۲۹

عدد — ۶۱

امور اداره و تحریریه و اعلانات و سائر
ایچون مدیر مسئوله مراجعت ابدالمبدر.

صرفای امتک مقالات متصوفانه لرینه
جریده صوفیه تک صحیفه لری
آچقیدر .

جریده صوفیه

شیمدیلاک هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباریه ممالك
هئانیه ایچون ۴۰ آلتی آیلنی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

تداویسنه هیچ وقت ضایع اتمکمنین ال برلکیله چالبشیر و بوسبله ایله بزم قانیزی اتمک چالبشان خارجی دشمنلریمک احتراصاتنه سدچکمش اولورز . والا فلاح بوله ماییز .

محمد حلمی

فتوحات اسلامیة

اجنادین وقعه سی [۱]

یوقاریده سوبله نیلیدیکی اوزره بووقه نیک (یرموک) غزوه سندن اول و صوکر ا اولماسنده اختلاف وارد . هر نه ایسه روملردن ۹۰۰۰۰ کیسیلک برقوت ، اجنادین موقعه ده اجناع ایله مشدی که قوماندانلری سابق الذکر (تراقوس نه تودوروس) یاخود (قیقلاق) ایدی . (۲) عسکر اسلام ده بونلرک قارشیدنده اخذ موقع ایدی . قیقلاق ، قبل المجاربه عرب اوردوسنه برجاسوس کوندروب یکریمی درت ساعت صوکر ا عودتده نه کوردیکی ونه اوکر ندیکی صوردی . جاسوس ! - قوماندان ! . کوندوزین مجاهد ، کیجه لین عابد برقوم آراسنده بولوندم . بونلر ، عدالتده اودرجه مساواته رعایت ایدیورلر که : خلیفه لریک اوغلی برشی چالسه آلی کسبورلر ، زنا ایله بچک اولسه طوبراغه کوموب طاشله اولدورویورلر . معلوماتی ویدی . قیقلاق : - طوغزو سوبلیورسک بونلرک قارشیسنه چکمکدنسه یرک آلتنه کیرمک بزم ایچین خیرلی اولاجق ، دیدی .

نهایت قانلی برمقاله باشلادی . و نتیجه سنده روملر بوزولوب دمشق ، حص ، ایلیا (۳) قیساریه کی بلاد مستحکمه طوغزو قاجدی که مقتوللری ۳۰۰۰ دن فضله ایدی . شهیدای مسامین ایسه ۴۷۵ مجاهد بختیار ایدی . (فضل بن عباس بن عبدالمطلب) ایله (ضرار بن الخطاب الفهری) ده شهدا آراسنده بولونویوردی . رضاه عنهم اجمین قیصرک قرده شی . (تراقوس) ده قتل ایدیش ، لکن بوراده یاخود یرموکده مقتول اولدیفنه دائر بین المورخین اختلاف وقوع بولمشر ،

فتح دمشق

اجنادین انهزامندن صوکر ا دمشق (۴) جوارنده کی (فجلی)

[۱] اجنادین : فلسطین قطعه سنده (رمله) ایله (بیت جیرین) آراسنده قومسال براوادر . اجنادین لفظی ، کسر دال ایله اوفویانلر وارسه ده اصوی دالک فتحیله اولدی (معجم البلدان) ده مذکوردر . (۲) تراقوس یرموک محاربه سنده قتل ایدلیکنه دائر برروایت وارد . یرموک غزوه سندن اجنادین وقعه سندن اول اولدیقی تحقیق ایله دیکی تقدیرده بووقه ده (قیقلاق) نامنده برقوماندان اسمک ذکر اولونمسی تراقوس یرموکده قتل ایدلیکنی تأیید ایلر .

۳ ایلیا ، یاخود الباء : قدس شریف . (۴) (دمشق) یاخود (دمشق) یاخود (دمشق الشام) : شام

موقعه ده برروم اوردوسنک تحشد ایددیکی ودمشق اهالیسنه حصدن امداد کلدیکی ابو عبیده حضرتلرینه خبر ویریلدی . اوده بوخبری مقام خلافتنه ییلدیروب فجله برمقدار کوندرمه سنه ، دمشقک تسخیرینه چالبشوب بهدالفتح خالد بن الولید ایله حص اوزره رینه بورومسنه ، شرحبیل بن حسننه ایله عمرو بن العاصی ده (اردن) و (فلسطین) طرفلرینه بوللاماسنه دائر جواب آلدی . و برموجب اسر فحل طرفه برقوة عسکریه سوق ایله دی .

بوعسکر ، کاوب فجله قوندی . روملر ، نهر دن آرقرار آجوب اووانی چامور دریاسی حالنه که تیرمشرلر وشو واسطه ایله مجاهدین اسلامک حرکاتنه مانع اولمشاردی . لکن کندیلری ده اوچامورلو محیط ایلچنده محصور قالمشاردی . ابو عبیده حضرتلری ، حص ایله دمشق ودمشق ایله فلسطین آرالرینه عسکر ارسالیله روملر امداد کلمه منی تأمین ایدی . اوندن صکره خالد بن الولید ایله دمشق اوزره رینه بورودی و خالد ، عمرو بن العاص ، یزید بن اب سفیان فرقلریله کندی فرقه سی طرفندن شهری محاصره ایدی .

دمشق یارک محصوریتی ۷۰ کون قدر سوردی . بومدت طرفنده عمومی هجوملر یاپیلدی کی شهر داخانه منجیاقله طاشلر فیرلانیلیدی . اوچی چنکالی ایبار آتیلوب تخریبات یاپیلدی .

خالد بن الولید کی برقهрман ، بویه اوزون اورادی به محاصره به تحمل ایدمه بور . برآن اول مملکتی تحت تصرفه آماق ایدتیوردی ، برکیجه (قعقاع) و (مذعور) اسمنده ایکی دلاورله قامه نیک اوستنه چیقدی اورادن ایله اشاغی به اینوب اویقوده بولونان قایچیلری اولدوردی و قانی آچدی .

خطه سی ، یعنی سوریه ولایتک مرکزی اولوب مهم وقیم بر بلده در که قدم بنایی طولایسله کیمک طرفندن تأسیس ایدلیدی مین دکادر . حضرت ابراهیم علیه السلام زمانده موجود اولان بوشهر ، نیطیلرک ، بعده داود و سلیمان علیهما السلام دورلنده بهودیلرک مرکز حکومتی اولمش ، صوکر ا صیراسیله آتوریلرک ، ابرائیلرک ، ماکه دویالیرک ، رومالیرک الله یچوب کسب مهران ایلمش ، روما دولتک انقسامده ایسه شرق امپراطورانی ، بعضی قسطنطنیه قیصرلرکدنک حصه سنه دوشمشر .

۱۱ سنه هجره سنده خالد بن الولید طرفندن حرباً وابو عبیده طرفندن صلحاً فتح ایدلمش و شام قطعه سیک مرکز اداره سی اتخاذ اولوارق اوزره رینه (یزید بن ابی سفیان) والی تعیین قیلنمشر . مشارایک وفاتده برادری (معاویه بن ابی سفیان) والی اولوب ۴۱ تاریخنده اعلان استقلال ایتمه سله دمشق شهری اسلامک مرکز خلافتی اولارق ۹۰ سنه بو حالده قالمشر .

۱۳۲ تاریخنده خلافت عباسیه نیک ظهوریله (هاشمه) ، (انبار) بعده (بغداد) بلده لریک دارالخلافه الخاذا مناسبتیله دمشق الشام ، ولایه وطوائف ملوک الله قلوب مشهور (هلاکو) خوریزی طرفندن ضبط ایدلمش و معهود (تیمور) مغور طرفندن ده تخریب و قتل عام اجرا قیلنمشر .

۹۲۲ تاریخنده یاوز سلطان سلیمک همتیله ممرچرکسلری لندن آینوب ممالک عثمانیه عداوته کیرمش اولان سوریه نیک مرکز اداره سی بولونمشر . ۱۳۰۰۰ ی مسلم ۱۵۰۰۰ ی خریستیان ، ۵۰۰۰ ی یهودی اوانق اوزره یوز الی یک اهالیسی اولدی (قاموس الاعلام) ده محرودر .

خواجه عزیزانی علی رامیتنی حضرتلرینک رساله شریفه سی

ترجمه سنک بقیه سی

قوش کبی ذکر ایچون ایکی قتاد لازمدر . تا که آجوب پرواز ایدمه الیه بصعدالکلمه بوبرلمسی بو سره اشارتدر . بو قتادک بری حضور ، دیکری اخلاصدر . حضور اودرکه جهراً یاخود خفياً ذکر ایدن کیمسه جناب حقک علیم ، بصیر ، سمیع اولدیننی بیلدیر . اخلاص دخی اودرکه ذاکر اولان کیمسه قول و عملنک مکافاتی اولارق نه دنیایی نه دنیایه متعلق اولان جاه و مالی و نه عقابنی نه ده عقابیه متعلق اولان جنت ، صور ، قصور کبی مشتهیانی ایسته مه ملی وائشای ذکرده یارب مقصودم سنک . انجاق ، سندن ایسترم دیملی در . رسالتپناه افندمن حضرتلری بوبرمشددرکه لاله الله الله دین کیمسه نیک آغزندن بشیل بر قوش چقه ارکه آلتون ویاقوت ایله مزین بیاض قانادی وارددر . او قوش سماواته اوچار تا عرشه وارنجه بال آریسی کبی اینکار طور دیه فرمان الهی واردقده بی دین عفو بوبرلمدجه نسل طور برم در . حق تعالی حضرتلری بوبربرکه ای قوش سنی وین کیمسه بی مفرت ایتدم ای فرشتهلر سزده شاهد اولیکز لاله الله الله دین کیمسه نیک دفتر سیئاتی عفو و مفرت صوبیله محو ایلدم حق تعالی حضرتلری اوجانلی قوشه صاحبک قیامت کونه قدر استغفار ایچون بتمش دیل احسان ایدر اوجانلی قوش قیامت کونی کلیر اوکله طیبی سوبله بن کیمسه نیک الی طوئار ناجسته قدر اوچار (امانیه وصدقنا) لکن اوکله طیبی اجازتی اولان بر مرد کاملدن اخذ وتلقی ایتک لازمدر . چونکه اوقی سلطانک ترکشدن آلمی ، اولدینی صورتده اوق المتی ایچون بر ترکش بولمیدر . جناب حق (یا ایها الذین آمنوا اذکر الله ذکرأ کثیراً) بوبرمشددر . ائرده وارد اولمشددرکه بر کونده بیک کره بیک دفعه نفس آلینیر هر انسان آلدینی بر نفسدن نه اوزربنه الدیننی نه اوزربنه ایجری ووردیکنی سؤال ایدم جکارددر .

رباعی

زهر نفس بقیامت شمار خواهد بود کنه مکن که کنه کار خوار خواهد بود
بسیار سوار که فردا پیاده خواهد شد بسیار پیاده که فردا سوار خواهد بود
یعنی یوم قیامتده هر نفسدن سؤال اولنه جقدر . صاقین کنه ایشلمه که کنه کار اولان ذلیل اوله جقدر . جوق سواریلر قیامت کونی یا اوله جوق جوق یا یالر دخی یارین سوار اوله جقدر . بناء علیه هر عیده لازمدرکه فائده سزیره ضایع ایندیکی نفسلرینی قضا ایدمه بوبر سردرکه صاحب بیعت اولدقجه سوبلک لایق دکلددر .
سربکه بانو دارم در نامه چون نویسم اسرار فاش کردد از کلک سز بریده
یعنی مشکله ارامزده کی سری اصل کاغد اوزربنه یازمه بیلیم . سز بریده قلمدن اسرار فاش اولور .

ایجری به کیرن مجاهدینک صدای تکبیریه باناغندن فیروان اهای ، طرف مقابله کی قانی به قوشدی وابوعبیده حضرتلریله صلح عقد ایدرک شهره دعوت ایلدی . جناب ابوعبیده خالدک عنوة دخولندن خبردار اولمادینی جهته صلحاً کیرمه به رضا کوسنه ردی و فرقه سیله برابر کیردی حال بوکه دیکر طرفدن خالد ، جبراً کیرمش و بارلایان قیلیجینک لماتی سایه سنده ایلرله مکده بولمشدی . ایکی قوماندان شهرک اورتا برنده قارشیلانندی . بری :

- بن ، صلحاً کیردم دبدی . دیکری :

- بن ، حرباً کیردم . جوابی ووردی . نهایت ایکی طرفک ده صاححاً کیرمش اولماسنه قرار ویریلدی . الله ایدیلن غنائندن فحله بولونان و حص ایله فلسطین بولرینه کیشمش اولان مجاهدینه جقه ایلدی . دمشق الشام شهر شیری ده شوصورتله ابدی اسلامه کیدی .
بعض مورخلر ، قلمه دیوارلرندن برینک ده لینمه سیله دمشق کیریلدیکنی بازارلر اولابیلرکه خالد ، ایله قلمه به جیقوب شهر داخلنه ایندیکی صیراده دیکر مجاهدلرده دیواری دولوب اوصورتله ایجری به کیرمشلردر .

دمشق فتحی ۱۴ سنه سی رجبنده و حضرت عمرک دور خلافتنده واقع اولمشددر . ۱۳ نجی سنه هجری ده وقوعه کان یرموک محاربه سی ایشاندده صدیق اکبرک وفاتیه همرالفاروقک خلافتی و خالد بن الولیدک عزل اولونارقی ابوعبیده نیک باش قوماندان نصب ایلدیکنی خبرینک اوردوبه ورودنی یازمشدق . بعضلری ، دمشق فتحی ۱۳ جادی الاخره سنک ۲۲ نجی کیمجه سی درکه حضرت ابوبکرده اوکیجه ارتحال ایتمش و خبر اتقالی بعد الفتح اوردوبه واصل اولمشددر . یرموک محاربه سی ایسه دمشق فتحندن سوکرا ۱۵۵ نجی سنه ایچنده در . دیمشلسر ده یازدبنمز ، اصح روایاتدر .

خالدک عزلی مسأله نه کلنجه :

(مالک بن نویره) نیک قتلی ماده سندن طولایی جناب فاروق ، خالد بن الولیده کوجنمش و مشارالیهک مجاهدین ایله شمرایه فضله عطا یاده بولونمسی بوکوجنیکلکی آرتیرمشدی .

بناءً علیه ، خلیفه اولنجه اونی عزل ایتدی . برینه ابوعبیده بی کجیردی . فقط ابوعبیده ، خالدک مهارت حربیه سی بیلدیکنی جهته دانما کند سیله استشاره ایدر و اونک رأی موجبنه حرکت ایلردی .

دمشق فتحی مقام خلافتنه بیلدیرلدی . بومزده ، بلدة طاهره جه مسرت عظیمه بی موجب اولدی . طرف خلافتدن بیان محظوظیتله برابر خالدله عراقدن کان عسکرک اعاده سی ابوعبیده به اشعار ایلدی .

سردار حضرتلری ده (سعد بن ابی وقاص) ک برادرزاده سی اولان (هاشم بن عتب بن ابی وقاص) ی قوماندان تعیین ایدرک عراق مجاهدلری برلینه کوندردی .

طاهر المولوی